

705.

1280 d. 16 Aug.

Dafö.

F. d. WALDEMARS Pantebref på några gods till Bisk. ANUND i Strengnäs såsom säkerhet för låntagna 100 mark.

A. 3. g. 2: 1.

Vniuersis presentes litteras inspecturis W. dei gracia quondam rex sweorum. Salutem in domino ihesu christo vniuersitati vestre notum facimus tenore presencium quod in presencia jllustris principis domini. M. Sweorum Gotorumque Regis fratris nostri de consilio suo & consensu dilecte vxoris nostre & liberorum nostrorum racione cuiusdam debiti in quo tenebamur venerabili patri domino. A. strengnensi Episcopo vidilicet iuxta estimacionem centum marcharum denariorum vsualis monete predia quedam eidem assignauimus & suis successoribus in perpetuum possidenda, translatis in ipsos proprietate & dominio dictorum prediorum cum omni iure quod nobis racione proprietatis & heredibus nostris competebat vel competere potuit in eisdem ad maiorem euidenciam prefata predia cum suis vocabulis exprimentes. In adø. X. sollidos terre. In skildæby. IIII:or solidos terre. In Gnitahøhe. X. solidos. terre. In Møriby in parochia Tælbium vnam horam terre. In parochia akir in wallum. II. solidos terre. In Norbý. II. solidos & IIII:or denarios terre. In østbý. II. solidos terre. & IIII:or denarios In Sila in Skiælby II. solidos terre. In Thors dimidiam horam terre. In cuius rei testimonium presentibus sigillum nostrum & sigillum dilecte vxoris nostre annecti fecimus & apponi. Actum Dafø anno domini M°.CC°.LXXX°. XVII. kal. septembris.

Stycken af 2:ne Sigill äro qvar.

706.

1280 d. 16 Aug.

F. d. Drott. SOPHIAS bifall till försäljningen af Husby i Östergöthland till Lagmannen FOLKE i Wärend.

A. 6. a. 1: 22.

Omnibus presentes litteras inspecturis. S. Dei gracia Regina quondam sweorum salutem in domino sempiternam Notum facimus per presentes, presentibus et futuris. Quod Cum dominus fulko legifer Wærendie Curiam quandam osgocie dictam husbý prope siluam dictam Aspwid quam dilectus maritus noster Dominus Waldemar Rex quondam sueorum post matrimonium inter nos contractum De communibus bonis nostris emerat a predicto dilecto marito nostro integraliter soluto precio emerat presencialiter interfuimus et expresse eidem empcioni per omnia consensum & fauorem adhibuimus secundum terre consuetudinem antiquitus approbatam Ad plenioram eui-